


ჩვენი დროის მემკვიდრეობა.



№  
35

1920 წ.  
თებლის 25



# მე და თელა.

(ერთ მოქმედებიათ ტრაგედია)

„დღე, წაიკითხოს ხალხმა“.

თელა ღღინჯი.

მოქმედნი: 1) მე—ახალგაზრდა შუა ხნის კაცი, შავგრემანი კონტრაგეოლოგი-ნერი. ტომით ქართველი. უსათვალა.

2) თელა—შუა ხნის ახალგაზრდა კაცი. თეთრ ყირშინი სოციალისტი. ტომით გრუზინი. სათვალნი.

მოქმედების ადგილი—ქალაქი თბილისი. რუსთაველის ქუჩა. ქვაფენილი სახელმწიფო თეატრის პირდაპირ, ბ. კიენაძის წიგნის მაღაზიის წინ. მაღაზიის შუშაბანდში მოსჩანს აკილოთ ასხმული რამდენიმე ცალი ახალი წიგნისა. წიგნი თეთრ კანიანია (როგორც ავტორი), ზედ წითელი ასოებით აწერია: *Θ. Глonti. Членъ Учредительнаго Собрания Грузин. Азіа-(და არა а)-тская политика большевикъвъ. Политико-экономическій очеркъ.*

მე და თელა ერთმანერთს შევხვდებით: მე სამინისტროებისკენ მივდივარ, ხოლო თელა საბჭოთა რუსეთის მისიის მიმართულებით.

მე. აა, თელას ვახლავართ! გამარჯობა თელა!

თელა. გაგიმარჯოს! (ხელს მართმევს)

მე. კაცო, რა დაგმართია? როგორ გამოცვლილხარ?

თელა. როგორ თუ გამოვცვლილვარ?

მე. რა ვიცი, ძმა, კი ვერ ვიცანი, და! ღმერთს გეფიცები, სანამ არ შეგეჩქებე, შორიდან კაპიტალისტი ბერიძე მეგონე... საოცრად დამგვანებინარ.

თელა. (კმაყოფილია ჩემი მიმსჯელების, სიცილით) კარგია, თუ ძმა ხარ, ნუ მასხარაობ! რა მაქვს საერთო კაპიტალისტებთან.

მე. შე კი კაცო, მე ვარგნობას ვამბობ, თორემ შიგნიტყურათ პირწაყადნილი ბუდიონი ხარ, ან კიდევ ალიოხა სემიზვერევი.

თელა. (კიდევ უფრო კმაყოფილია, სიცილით) არა, თუ ძმა ხარ? ხა-ხა-ხა ხა-ხა!

მე. (წიგნის მაღაზიის შუშაბანდს ვანიშნებ) თელა. არ აჯობებდა, წითელ კანში ჩაგესვა და ზედ ოქროს ფერ ასოებით წაგეწერა?.. აი საბჭოთა რუსეთის დროშასავებ... წითელი რომ არის და ზედ კი ოქროს ასოები აზის: P. C. Φ. P.

თელა. განა სულ ერთი არ არის? რა მნიშვნელობა აქვს გარეგნობას?

მე. არა, თელა-ჯან! მაგრეც ნუ იტყვი. გარეგნობას დიდი მნიშვნელობა აქვს. აი, მაგალითად, შენ: ვარედან რომ შეგხედოს კაცმა, ბერიძე ეგონებო, ბურჟუა და კაპიტალისტი, ხოლო შიგ რომ ჩაგხედოს, ვავარვარებული კომუნისტი ხარ... მაგრამ ამას თავი დავანებოთ!.. რა უნდა შეკითხა?.. ჰო, მართლა! რისთვის რუსულათ დასწერე, კაცო, ეს წიგნი, და არა ქართულად?

თელა ისე!.. სჯობია!.. დეე, წაიკითხოს ხალხმა...

მე. როგორ? განა ქართულად რომ დაგეწერა ხალხი ვერ წაიკითხავდა? ანუ აგრე იქნება, უმწვილო! რუსის ხალხს თუ ასიამოვნე, ქართველს რალას ერჩოდო? ეჰ, თელა, თელა! არ ვარგა ასე ერთბაშით მოძლეობა ღვიძლი მკითხველებისა!.. (პაუზა. უეცრად) როგორ გგონია, კიროვი წაიკითხავდა მაგ წიგნსა?

თელა. (უბაუზოთ. უეცრად). როგორ გგონია, კიროვი წაიკითხავდა ამ წიგნსა?

მე. უთუოდ! უთუოდ წაიკითხავდა! ჩემმა მზემ, შენ მართალი ხარ: როგორა სთქვი წელან? „დღე, წაიკითხოს ხალხმაო!“ მე და ჩემმა ღმერთმა ბევრათ სჯობია, რომ რუსულათ დაგეწერია! მართალია, ზედ კანზევე გრამატიკული შეცდომა მოგესლია, მაგრამ გრამატიკისთვის ზრუნვა ხომ ბურჟუაზიული მიქარვაა! არა, მე დარწმუნებული ვარ, რომ კიროვი წაიკითხავდა! დეე, წაიკითხოს ხალხმა!.. თელა, რა მაგის პასუხია და კიროვმა რომ გთხოვოს „სოვეტნიკათ“ დამიდეკიო... ამბობენ, სერგო ქავთარაძეს საგანგებო საქმისთვის მოსკოვს გზავნიანო... ჰო და მის მაგიერ რომ შენ დაგნიშნოს, რას იტყვი, ა?

თელა. (გამოკოცხლება ეტყობა) შენ როგორა გგონია?.. უნდა დავთანხმდე თუ არა?

მე. აბა, მაგას რალა, ყოყანი უნდა! უთუოდ უნდა დათანხმდე... რამდენი სარგებლობის მოტანა შეგეძლება შენი საყვარელი სამშობლოსათვის!

არა, ჩინებულათ მოქცეულხარ, რუსულად რომ დაგეწერია... კაცო, სიფრთხილეს თავი არ ასტივა: ვინ იცის, ღმერთი რომ გაწყრეს და მიუხედავთ შენი სურვილისა, აქაც რომ შემოვიდნენ! ერთი დიდი პოლიტიკური პარტია მინც გადარჩება განადგურებას, ფედერალისტების პარტია. ვთქვათ, დანარჩენი შენი პარტიული ამხანაგები შენს აზრს არ იზიარებენ და იმათაც ცუდი დღე დააყენეს, შენ ხომ მინც უზრუნველ-ყოფილი ხარ. ერთი ქვეიანი და განათლებული კაცი მინც შეგეჩქება, ჩემო ძმაო! თუმცა, კიდევ ვიცი მეორე ქვეიანი კაცი... მაგრამ ის შეცდა, რომ რუსულათ არ დასწერა...

თელა. (ინტერესით) ვინა? ვინ არის, თუ ძმა ხარ?

მე. მაგას კი ვერ გეტყვი! შენ თითონ მიხვდი. მე კი იმას ამ 10 წლის წინათ აღუთქვი, შენთვის არაფერს დავწერ მეტქი... ნახვამდის, თელა! (ხელს ვართმევ).

თელა. ნახვამდის! (ხელს მართმევს).

მე ჩემი გზით მივდივარ—სამინისტროებისაკენ, თელა კიდევ თავის გზით—საბჭოთა რუსეთის მისისაკენ.

თავუნა.

# წაფსული ოსურკეთში.

ყინულის შეშა, რკინის წავთი, ნეხვის ბუხარი, სოციალიზმი, — პეტროგრადში ობლათ შობილი, ბუხებს ვეშალვი, კოლოს კბენით შენაწუხარი, და ისე დაეჭრი, ვით ერობის ავტომობილი.

ქალაქის ზაღში ჩამოეშვა ბახმაროს ჩრდილი. მთამ წარიტაცა ბარის თეთრი თაიფლები.

ქუჩებს ეუფლა მარტოობის ხმელი აჩრდილი და... უომედოთ ჩამოყარე დაბლა ყურები.

ქუჩის ჭაობებს უხვათა რწყავს ოფლის რუები. მზის სიმბურვალეს აორკეცებს ლენინის ქკუა— (აქარისტანის შეფე გადა კულ-ნაძუები)—

და... ჩქარა ეტლი: მობრძანდება შალვა ქოქუა!

მთის ყრუ ორწოხებს ახმაურებს „ია“ და „უა“. მე აქ მარტო ვარ: ძილ-გამკრთალი გბრუნავ ლოგინში აგარაკიდან ცოლი მითვლის (სიმართლე თუა...):

—სული მხდებო, ჩემო კარგო, მე შენს ლოდინში!

მზე უზრდელია: მას არა აქვს რიდი, არც შიში.

ვაეს დანიშნულმა ჯვრის წერაზე უთხრა უარი:

„ძლიერ ცხელია“... მოიხნა თანაც ბოდიში... (შემოდგომა ახალ-შეყრით თავ შესაფარი).

ყინულის შეშა, რკინის წავთი, ნეხვის ბუხარი.

სოციალიზმი, — პეტროგრადში ობლათ შობილი.

ბუხებს ვეშალვი, კოლოს კბენით შენაწუხარი,

და ისე დაეჭრი, ვით ერობის ავტომობილი.

D.

## ფ ა რ უ ლ ი ა .

ბათუმის განსაკუთრებული კომისარი მოქ. ბენია ჩხიკვიშვილი საუცხოვო გუნებაზე იყო. ჩვეულებრივი სიღინჯით, ძალაუფლების და მოვალეობის სრული შეგნებით წელნელა აღიოდა იგი ყოფილ „Совѣтъ по управленію“-ს ვიწრო და გძელ კბეზე. სიამოვნებით დაისვა ხელი ლამაზათ შეკვარქნილ წვერებზე და ვახედა მისაღებ ოთახისაკენ მიმივალ აივანს. კარებთან კოხტათ დაკეცილ ქალღებთ შეიარაღებულ მთხოვნელების საკმაო გძელი რიგი დაინახა. ცოტათი არ მოეწონა ამოდენა მთხოვნელებთან საუბარი ამ სიციხეში, მაგრამ უურადლება არ მიაქცია და ოთახში შევიდა.

— აბა, შემოვიდენ მთხოვნელები—მიმართა კანცელიარის გამგეს.

— მართლა რო მთხოვნელებია, თითქმის ყველა ადგილს თხოულობს—უბასუხა გამგებ და პირველ რიგში მდგომი ოთახში შემოიწვია.

— რისთვის ვარჯილხართ? შეიკითხა განსაკუთრებული კომისარი.

— როგორც მოგესხენებათ, ბატონო, დაიწყო მთხოვნელმა, ბათუმის შემოერთებას დიდი დრო და ბრძოლა დასჭირდა. დენიკინელები, სედიამი-

ლეთლები, ეფენდიველები, ბოლშევიკები—აბა რო-მელი ჩამოგითვალათ?—ყველასთან სასტიკი ომს ვაწარმოებდით, ჩვენ ინტერესებს ვიცავდით. საქართველოს ცუდით ხსენებას აბა ვინ გახდებდა. ერთხელ ჩვენ კონსულს ბ. აღნიაშვილს „პრავიზია“ მიქონდა შინ. ვატყობდი, ეტლში შეტანა უჭირდა. დენიკინელების მილიციონერი იქვე იდგა, მაგრამ არ მიეხზარა. მე მაშინვე ვეცი და ხაბაკი ეტლში ჩაუწყვე.

— დრო ცოტა მაქვს და თუ შეიძლება მოკლეთ მითხარით რა გნებას—გააწყვეტია მუსიაფი კომისარმა.

— ბ-ნო, ამდენი ნამუშევარი ვარ, ბათუმზე რამდენი სისხლი მიღვრია. ახლა უადგლოვ ვარ და თუ შეიძლება გამომიყენეთ, მიმსახურეთ... რაიმე ადგილი მომეცით.

— თქვენ როდის ჩამომხანდით ბათუმში?

— ქეა ერთი კვირა აგერა... არა, ესე იგი უკანასკნელათ რომ ჩამოვედო, უწინაც ვიყავი.

— ეს კაცი საღაცა მინახავს, ფიქრობდა ბენია, მგონი თფილისიდან გადაქვევთ. ყოველ შემთხვევაში ეტყობა ბათუმის ბრძოლაში იმდენი მონაწილეობა მიუღია, რამდენიც მე ჩინეთის რევოლუციონერულში. როგორმე უნდა მოვიშორო... და კომისარს ერთმა აზრმა გაუღრღვა თავში.

— თქვენ ვინ გიცნობთ? შეეკითხა მთხოვნელს.

— ყველა...

— ფაჩულია თუ გიცნობთ?...

— ფაჩულია... ფაჩულია... არა, სხვა... ყველა მიცნობს... ფაჩულია... უკაცრავათ, მე შემდეგისთვის შემოვიარ ბასუხისთვის, ახლა აღარ შეგაწყუბებთ.

მთხოვნელი დამდულრულივით გაძვრა.

ბენია და აკაკი კი იციროდენ.

შეჟოვიდა მეორე მთხოვნელი.

— თქვენ ადგილი გნებათ? პირდაპირ ჰკითხა კომისარმა.

— დიან. მე ბათუმის შემოერთებაზე დიდათ...

— მოიტანეთ ფაჩულიასაგან სარეკომენდაციო ბარათი. ხომ იცნობთ?

ეს უკანასკნელი კითხვა მთხოვნელს აღარ გაუგონია, რადგან ამ დროს უკვე მეზობელ დუქანში შეიმალა, თუმცა სამართველო მეორე სართულშია მოთავსებული.

— დაუძახეთ შემდეგს—უთრა მეკარეს აკაკიმ.

— მეთი არ გახლავს ბ-ნო.

— როგორ არა, კაცო, ასზე მეთი იდგა რიგში?

— რა ვიცი, ბატონო, ერთბაშათ დაიძახეს „ფაჩულიაო“ და გაშვენ კარებში, აღობათ ჩხუბია ნურიაში და ვინცხა ფაჩულიას თუ სცემენ.

— ვინ ფაჩულიას? სიცილით კითხა ბენიამ.

— არ ვიცი ბატონო, სახელი არ უთქვამთ. ასე გაიქცენ დამდულრულივით.

ოხ, ფაჩულია, ფაჩულია! შენ მოგეცა იმითი ცოდვა!

გრ. სლუჩანინი.

## შექანჯალებულის ლექსები.

ჰერი ბიჭო! ჰერი, ჰერი!  
 როგორ შეენის ქოსას წვერი...  
 გაძვერი და გამოძვერი...  
 გაულესე კალამს წვერი,  
 და კოჯორში ამოძვერი...  
 დაებანაკლი აქ კოჯორში,  
 სიო მიქრის მე ქოჩორში,  
 გრილი სიო მიქირქილებს,  
 ვატყომ, ჭკუას გამიგრილებს  
 სიციხისაგან დანარბილებს.  
 მაშ, სალამი ტურფა კოჯორს!!  
 ამბებს გეტყვით მართალს, არ ჭორს;  
 სადარბაზოდ ყველგან ვიყავი.  
 სულ ყოველგან თავი შევყავი—  
 სულ ყოველგან გაიხელი,  
 და თუ წავკრა ვინმეს ხელი,  
 მივაზმანო ზურგზე წქნელი  
 ვუძღვნა წყლული უკურნელი  
 ხომ არ გეთქმის საყვედური?!  
 ჩქიმი დუდი, უბედური!..  
 კოჯორია ხომ ქალაქი?!  
 სად ლობიო, სად კარაქი!..  
 სად ტყეშალი, სად დალაქი?  
 არ მიყვარს ტყვილად ლაქლაქი  
 ვაჰ, თუ ვინმე გავაბრაზე?!  
 ჯერ „უბრაღას“ უდარბაზე,  
 დიდხანს კოჯორში ვერ ვნახე,  
 თვალიც ვერსად ვერ მოვკარი.  
 აქ „თვითმართველობის“ კარი,  
 დამხედა მაგრად მიხურული,  
 შიგ ექლო მსხვილი ურდული...  
 ვიკითხე და ეს მომიგეს  
 „უბრაღა“ ჯერ არ მოვიათ,  
 ტფილისში რომ კარკად დაცხავს,  
 აი, მაშინ ამოვიათ,  
 კოჯრელთ საქმეს იქ „განაგებს“  
 „ოტდელენია“ იქ აქვსო,  
 ოღონ კაკალი კი ჰქონდეს,  
 მეტი რა უნდა სთქვი, თავგსო;  
 ენკენისთვიდან იქ შიღის,  
 ეშინია ცივ ამინდის  
 ზაფხულობით ქროლა ბინდის  
 უყვარს და აქ გვესტუმრება...  
 და შენ, თუ არ გეჩქარება,  
 დაუცადე და მოვიათ,  
 კარგი დარი გამოვიათ  
 ბევრს არ დაიგვიანებსო...  
 თქვენ კი ვისიერიწებთო...  
 ჯავრით ჩავარდი ლოგინში.  
 დიდხანს ვიყავი ლოდინში...  
 მაგრამ ღმერთმა ქნა წყალობა

კოჯორის თვითმართველობა  
 ამობრძანდა ზოზინითა,  
 მჩატე ბარგი-ბარხანითა...  
 მყის ქალაქის მოურავი  
 ვნახე, უთხარ სამდურავი;  
 ამოდენ ხანს სად იყავით?!  
 მალოდინეთ, რა მიყავით!  
 არ მოვსულვარ გულით ავით—  
 საიღუმლო გამიყავით  
 და მოთხარათ ერთი ორში:  
 ტფილისშია თუ კოჯორში  
 კოჯორის თვითმართველობა?  
 სთქვით, აქ ქალაქს თუ ვინ აგებს  
 ან ამ ქალაქს ვინ განაგებს  
 ვინ არს თქვენი მოქალაქე...  
 (დავჯექ ბევრი ველაქლაქე)  
 ტკბილად, ფრთხილად ის შევაქე..  
 როცა გული მან დამანდო,  
 „საიღუმლოც“ კი „გამანდო“.  
 მითხრა: ვით შევს ძაღლმა ჯორი?  
 სად ქალაქი, სად კოჯორი?!  
 არ გეჭირია ლაპარაკი,  
 აქ არს მხოლოდ აგარაკი,  
 ქალაქად ეს ჩვენ გვინდაო,  
 ჰამა და სმა მოგვინდაო:  
 ცუდათ ჯდომა მოგვეწყინდაო:  
 და ერთს დღესა, მშვენიერსო,  
 დიდ მარხვას თუ ყველიერსო,  
 ავირჩიეთ თვითვე თავი,  
 კენჭი ჩვენს თავს ჩვენ უყარეთ,  
 დარაჯნი ვქმენთ გულ მწუხარეთ,  
 მოქალაქეთ არ ვიცანით,  
 საქმე ჩავგრიხ-ჩამოვწყინით  
 შეგქმენით თვითმართველობა,  
 თვით ჩვენ საქმის მართველობა:  
 ჩვენ ყველანი:—მოურავი,  
 თუ „უბრაღისა“ ჩლოგები  
 თუნდაც დუმისა ხმოსნები—  
 ვართ „დაჩების“ პატრონები,  
 ჩვენს ინტერესს, ჯიბეს, ვფიცავთ,  
 ჩვენზე უკეთ ვინ დაიცავს?  
 თორემ მოქალაქე სად გეყავს?  
 როდესაც ტფილისში დაგვცხავს  
 კობტა კოჯორს მყის ვეწვევით,  
 თითქოს საქმესაც ვეწვიეთ...  
 და როს ცოტას აცივდება,  
 აქ რომ აღარ წოცდებო,  
 ჩვენც აქედან ავიყრებით,  
 ქალაქ კოჯორს გავეყრებით  
 და ტფილისში ჩავსახლდებით!..  
 აქ „ქალაქის“ ვკეტავთ კარებს,  
 და იქ ტკბილად დროს ვატარებთ,  
 მხოლოდ ერთი რამ გვეწუხებს,

სულში გულში გვიმარწუხებს,  
 აგვიჯანყდა დარაჯები,  
 ის უქეულო, ტყის ქაჯები,  
 დააარსეს სწანს კავშირი,  
 რომ შეკრავთ ერთი პირი,  
 და მოგვთხოვეს ჯამაგირი...  
 რა გავვიხთა, ხათა, ჭირი!—  
 თან სატარიფო პალატა  
 (თუმც ჩვენ არ ვადგებთ ჩალათა)  
 იმ „რაზბონიკებს“ მხარს უჭერს,  
 ჯამაგირისთვის ხელს გვაქერს,  
 მაგრამ გეტყვი გაფრთხილებით,  
 ჩვენ მას არ გემორჩილებით,  
 დარაჯებს გროშსაც არ მივცემთ!  
 არ კმარა, რასაც პატივს ვცემთ?  
 ჩვენს „დანებში“ რომ ვაზრანებთ,  
 მაგრამ ერთს კი მოგახსენებთ:  
 გვინდა რითმე მოვატყვილოთ  
 და საქმე გავიადვილოთ:  
 შარშან მათ კოოპერატივი,  
 (გთხოვ, ამას თქვენ ნურსად სჩივით)  
 გაუხსენით ვითომო,  
 და საწვევროც თითომო,  
 მგონი შამოიტანაო...  
 გვსურდა „გამოგვეტანაო“  
 საქონელი „მათთვისაო“,  
 რომ შემდეგ მიგვეთვისაო  
 გაგვეყიდა ჩვენთვისაო.  
 კიდევაც შევასრულეთო  
 ჯიბები დავისრულეთო,  
 მათ გული დაუწყულეთო,  
 „კოოპერატივ“ დავბურეთო,  
 დარაჯები კვდებო ჯაფრით.—  
 „გოროდსკოი ლავკათ“ იჯარით  
 ჩავაბარეთ ის ჩარჩებსო,  
 ნიხრი, მიხრი, იხრი, ბიხრი,  
 ჩვენ ფეხებზე გვეკიდაო,  
 ვისაც ძალოძს ის ყიდულობს,  
 სხეები მშიერი გდიაო,...  
 ჩვენ რა გვიშავს... იცით მგონი  
 ვიგდეთ პურის რაქონი,  
 მარტო „უპრაველებმაო“,  
 სხვა დაქამოს გველებმაო...—  
 მათი ჭირი, ღობეს ჩხირი  
 (აყროყინდა სადლაც ვირი...)  
 მე იმათ დარდს აღარ ვტირი...  
 მხოლოდ დარაჯთა კავშირი,  
 გაგვიხდაო გულის ჭირად,  
 ფულს გვთხოვენო სულ ხშირ-ხშირათ...  
 გადაწყვეტილს ჯამაგირად...  
 ვა! დაგვანახეს რალა ვირად!  
 რა უნდათ, რა დაუშავეთ,  
 და რომ ჩვენთვის ვამუშაოთ

ფული უნდა მივაშაოთ?  
 ჰო, და ასე აქ კოჯორში  
 მდიღებს აქვს გზა გახსნილიო,  
 ხედავთ, სპეკულიანტები  
 ჰქრიან ალვირ წახსნილიო...  
 სიძვირისგან სახლებიო,  
 ბევრია ხელ უხლებიო,  
 აწ, მშვიდობით, ამდენ ამბით  
 გვჯერა, რომ დაილღებო...  
 სადარბაზოთ სხვაგანც მიღით,  
 მოხარული ვიქნებო.

შექანჯულებული.

გურული სცენა.

(კ რ ე ბ ა ზ ე)

**დათია.** აფხანაგო თავმჯდომარე! მომეცი ერთი სიტყვა...  
 მართალია დიდი რეჩის თავი არ მაქ, მარა მაინც ვიტყვი ორღერ ენას თუ არ გამტრენებენ აფხანაგები... (ხმები) ვინ გაგკინებს კაცო თქვი რაც გინდა...  
**დათია.** წახანე ერთო აფხანაკა თქუა: რუსეთში კარგათაა საქმე, იქინე იმ კაცებმა მის გემოზე მუაწყვეს ყორიფელი, აქანე, ჩვენში არ ვარგა არაფელიო. მე მინდა შეივკითხო: თუ კი იქინე ისე მუაწყვეს საქმე, რავაც იგინს უნდოდენ, ჩვენ რეჩა გვიშლიან ხელს?...  
 მე მაქ სამი ჯორკო და რავაც მინდა ისე დავდგამ ჩემს სახლში...  
 არა, რუსეთში ასე არ დგამენ, ისე დგამენო...  
 ეგება არ მინდა ისე რავაც რუსი დგამს, ძალაზეა საქმე? (ხმები-ყოჩად ბიჭო დათია! თქვი მასთე ნუ გეშინია.)  
**დათია.** ნუ მიშლით თუ ხათრი გაქვენ. რაცხა ვორი სიტყვა მქონდა სათქმელი. შამომიძახეთ აქეთ იქიდან და თლათ შემეშალა სამცნაური... (ხმა კრებიდან.) დეისვენე, შეიგონე და თქვი:  
**დათია.** კი თქვი ძამია, მარა ამას კაცი უნდა-ნასტავლი და მოლაპარაკე. მოგეკა სიცოცხლე მშვენიერად მქონდა აწყობილი გულში ყორიფელი, მარა, რავაც გამიფედი სალაპარაკოთ თუ არა, მაშვიმე დამებნა ტარაბუე და ქათმის ბურღლასავით გაფრინდა ჩემი „რეჩი“... ჰო, იმას ვჩივოდი!..  
**მოწინააღმდეგე.** (მკაცრად.) თავმჯდომარე! დაიცავით წეს-რიგი, საგანს გადასცდა...  
**თავმჯდომარე.** თქვენ არა გაქვთ სიტყვა, გთხოვთ ნუ უშლით...  
**მოწინააღმდეგე.** ნუ უშლი რომელია? საგანზე ილაპარაკოს და არა ჯორკოზე...  
**დათია.** ჩემო ძამია, შენ წახანე, [პარახოტებზე, პოეზლებზე, ციხეზე და ზარბაზნებზე ილაპარაკე, არა ყლონჩში არავაცი გტყვებია, ჩემი კი ჯორკო

გავიკვირდა? ახლა ყოველი ჩანს, თუ იმისთანე ვთქვი რამე, რომელიც შენ გიამება კია, თუ არა და მაშინ გადავცდი? იმდრონი ილაპარაკე და კაცს არ გუთუწერებინარ და ახლა მანდაშინც ჩე გავიჩერდე? უკაცრავად შენთან, ახლა უნდა ვთქვა, ყოველი რაც მაქ სათქმელი...

მაგას უწინ „პრესტავი“ შობოლა ჩვენში, რაც ქონდა სათქმელი ჩამოაქოვდა ყველას და თუ ვინმე პასუხს კადრებდა იყვირებდა: „გააჩერეთ მაგი ვინცხა თვარა დევიქირავ ახლავსო. არ მოგწონს ჩემი ნათქვამი?“

არც მე მომწონს შენი აფერი და რა ვქნათ ახლა? სიტყვის ნებას არ მძალეც და თუ გინდა გვეიღეთ ვეგრე და ვჩხუბოთ...

მართალია დიდი ნასტაველი არ ვარ მარა კრებას ბევრს დავსრებოვარ, მარა აგი არსათ არ მინახავს რასაც შენ შობი...

**მოწინააღმდეგე.** მოკლედ სთქვი რა გინდა? **დათია.** (მოთმინებიდან გამოსულია) რა მინდა და შენი სიკვდილი და წახთენის დღეი. მაცალე პაწე.. (საერთო სიცილი და ხმაურობაა) აა. ახლა ვათავებ ჩემს სიტყვას და ვჩუმიდები, მარა ბიჭი ხარ და გამოდი აქანე და თქვი რამე...

(**თავმჯდომარე** ამშვიდებს ხალხს კრება გრძელდება, სიტყვა ეძლევა მოწინააღმდეგეს.)

**მოწინააღმდეგე.** ამხანაგებო!

**დათია.** შენი აფხანაკები შენს სახლში მეიკითხე...

**მოწინააღმ.** მე მინდა...

**დათია.** მე ვიცი შენ რაც გინდა...

**მოწინააღმ.** მე მეგონა, რომ...

**დათია.** შენ გეგონა ვირები, დაგხვდებოდა აქანე..

**მოწინააღმ.** თავმჯდომარე! სადაა წესრიგი?

**დათია.** სადაა და რუსეთში...

**მოწინააღმ.** მე, სასტიკ პროტესტს უცხადებთაქვთ ლომარეს ასეთი უწესრიგობისათვის და ვსტოვებ კრებას...

**დათია.** რა გეჩქარება, დღინის დასალევი მიირთვი და ისე წადი... ანდა თავმჯდომარესთან რა გინდა. იგი კი არა მე შეგიშალე, ისე რავეც შენ მიშლიდი წახანე...

„რასაც დათესავ იმას მოჰკიო“. შენ ლობიეც არ დაგიტყისია და პური გინდა მოგვიღღეს? აგი ჯერ არაა ჩვენში, შეგიძლება რუსეთში იყო და შენც იქინე მიბრძანდი...

**რ. ჯიბლ.**

## მეორე საეკლესიო კრება.

(**მისტერია** **ორ მოქმედებად.**)  
**მოქმედება II.**

მოქმედნი პირნი: იგინივე, რაც „წინასწარ კრებაზე“ და გ. იმნაიშვილი, მამინაიშვილი, მამა ე. თუაფერიძე, მამა იასონ კაპანაძე, მამა ტიმოთე

სეფისკვერაშვილი, დავით დავიდოვი, მამა არსენი ცხვარიყლაპიაშვილი, მამა ლუარსაბ ალაბაძე, თედორე ლიპაძე, მამა თეოდორე საკურთხიშვილი და სხვა დანარჩენები.

**კათალიკოზი ლეონიდი**—(წამოდგება, კრებას ხსნის შემდეგი სიტყვებით): მართლ-მორწმუნენო ქრისტიანენო, შვილნო კეთილნო, კურთხევაღვთისა და მადლი მისი. თქვენზე გადმოვალს, რათა ცხოვარნი მისნი ქრისტემან ღმერთმან განარინოს განსაცდელსა ბელზებულისა და ურწმუნოთა, მზაკვართა და წარწყმედილთა. სასოებითა მრავალითა აღივსო გული ჩემი. ხილვისა გამო თქვენისა, არა ჰხამს წარკვეთა სასოებისა, ვინაიდან მრავალ არიან კვლავ მორწმუნენი... ხოლო, მრავალ-გზის მწუხარებითა და სევდის ქვეებითა დამექოლა გული, ოდეს თქვენ გხედავთ გამხდართ, მშვიერთ, ღიზამოფერთხილთ, უდროვალ მოხუცებულთ, შიშველტიტველთ. საღდა არიან სიადისფერე თვალთა თქვენთა, ძოწუთლება ბავთა თქვენთა და სიმსუქნე სტომაქთა თქვენთა.., საღდა არიან ანაფორათა თქვენთა ფარჩეულობა და შარი-შური.., ოპხ რაოდენ შევიწროვდით და დაიტანჯეთ ურწმუნოთაგან მოვლენილ დრო ჭამისა და წესწყობილებისაგან... მაგრამ ნუ წარიკვეთთ იმედს, კვლავ ძალგვიძს აღვიმადლოთ ხმანი ჩვენი, ვასმინოთ ღაღადისი ჩვენი მარწმუნეთა და ღვთის მოსავთა, **ხმა ღვთისა და ხმა ღვდლებ-სა** ერთი არს, იგი შეარყვეს ბჭეთა ურწმუნოთა და შთააგდებს ცეცხლსა მას საუკუნოსა... აღვიმადლოთ ხმანი და ვასმინოთ ერის ურწმუნო წინამძღვართ და ვაიძულოთ ყურადილონ ღაღადისი ჩვენი, ხოლო, უკეთუ არა დაადგენ გზასა მართალთასა, ჩვენ ძალგვიძს მოაწმუნეთ მივმართოდ, ჩვენ ძალგვიძს ჩვენი მოვითხოვთ და მოწყალებ უფალია... აბა, თქვენ იცით, ვითარის ბრძნობით შეუდგებით საქმეს... (კათალიკოზი ჯდება-კრებულნი მოწინებით თავს დახრის. თავმჯდომარედ არჩეულ იქნა გ. იმნაიშვილი; მუშავდება დღის წესრიგი).

**თავმჯდომარე. სასულიერო მამანო და ერის შვილნო!** მივიღოთ დღის წესრიგის გამოქუშავებაში **„მხურვალე მონაწილეობა“** (და წინასწარ შემდგარი „ღღის წესრიგი“ ჩამოყალიბდება). აი, დღის წესრიგი, „წარმოდგენილი, შემდეგ მოსმენისა შეგიძლიათ შეიტანოთ შესწორება, შეგიძლიათ შეავსოთ და სხვა.

- 1) პირველი საეკლესიო კრების (917 წლის) დებულებების გადასინჯვა: ა) ოთხფორმულიანი არჩევნები, ბ) კოლეგიალური მართველობა, გ) მღვდელ-მთავრების უფლება; 2) ანაფორის ტარება, 3) მარხების აღდგენის შესახებ 4) მღვდელ-მთავრების ცოლიანობის შესახებ 5) საკურთხ-ალაპქელეხის შესახებ. 6) საღმთო სჯულის სწავლება, 7) უქმეების აღდგენაზე, 8) მიწის ძვრასა, ნიაღვარ-

სეტყვა-ქარზე ჩენი შეხედულება, 9) წმინდანები სოფლად; 10) სოფლის დედაკაცები ფეხშიშველა მთარული და მათი ვედრებით ჩენი ჯარის გამარჯვება. 11) ეკლესიის ქონების ჩამორთმევა სახელმწიფოსგან, 12) ეკლესიის გამოყოფა სახელმწიფოსაგან; 13) მზვერავების (ანუ ჯაშუშების) ყოლა... აი, მართლმორწმუნენო, დღის წესრიგი, თუმცა დღის წესრიგს ვამბობ მე, მაგრამ, ეს შეიძლება ერთი, ან ორი კვირის წესრიგიც დარჩეს, აჩქარება არას გვარგებს, კითხვები იმდენად სერიოზულია, რომ სიღინჯით გადაჭრას თხოულობს...—გსურთ შესწოროთ, თუ უცვლელად მიიღებთ დღის წესრიგს? **კრებული** —(ერთხმად ყვირიან) უცვლელად, უცვლელად!!! (დღევანდებს სახე გაუნათლებათ, კრებას გამოცოცხლება ეტყობა).

**კათალიკოზი ლეონიდი.** ქრისტეს მიერ საყვარელნო შევიწრო! უმჯობეს არს თავიდანვე განგიცხადოთ ზარახვანი ჩემნი შესახებ **პირველი კრების** დებულებათა: უკეთუ თქვენთაგანი ვინმე მოისურვებს დასტოვოს ის წყეული და საშინელი ოთხფორმულიანი არჩევნები სამღვდელო პირთა და კოლეგიალური, მსაკრული მართვა-გამგეობა, მე ხელს ავიღებ მორწმუნეთა სამსახურზე, არცა ვილოცავ და არცა ვწირავ და.... (კრებული აწყვეტიებს კათალიკოზს...)

**კრებული!** (ერთხმად) ყოვლად სამღვდელო, თქვენო უწმინდესობავ! ვითარ იფიქრეთ, ვითარ იიქნეულეთ, რომ ჩვენ მაგაზე უარს ვიტყოდით? ჩვენ ვსწყევლით და ვკრულავთ ყოველივეს იმას, რაც თქვენ არ მოგწონთ, და ყოველივე დებულებანი პირველ საეკლესიო კრებისა. ეშმაკეულისაგან არის.

**კათალიკოზი ლეონიდე.** ამიერიდან სამღვდელო პირნი აირჩევიან მხოლოდ ჩემმიერ. გარნა, მაშაჲნ თქვენმა უკეთ არ უწყის ვინ ღირს არს მწყესოს ცხოვარნი ქრისტესნი და განარინოს ხიფათსა ბელზებულისასა. რასა იქმს კოლეგიალური მართველობანი, გარნა უმეტეს ეშმაკეულებისა და მსაკრობისა, (მღვდელ-მთავრები თავის ღინჯი დაქნევით ადასტურებენ კათალიკოზის სიტყვებს). მომახიქეთ მე შეუზღუდველი უფლებანი, რათა კეთილად წარვმართო საქმენი თქვენნი.

**კრებული...** (ერთხმად) კეშმარიტად!.. ამიერიდან თქვენ იქნებით, თქვენო უწმინდესობავ, მონარქი საქართველოს ეკლესიისა.

**თამჯდომარე.** ესლა ჯერი მიდგა შემდეგ კითხვაზე: **ანაფორის ტარება.** (სიტყვას იღებსთველორე ანაფორაშვილი).

**თევდორე ანაფორაშვილი :** ძმანო ჩემნო, ანაფორა, წმინდა ანაფორა, მხოლოდ მორწმუნე უწყის მაჯლი მის კალთების მთხვევისა, მხოლოდ მორწმუნეთ იცნან, თუ რაოდენ წმინდა და საიდუმლოებით მოსილია იგი; რამ განგვასხვავოს და

რამ შეგვანაჩუნოს მაღლი ღვთისა, თუ ანაფორას გავიხდით... ჩემის აზრით შეუძლებელია, ის მუდამ, ქირში, ლხინში, სახლში, კარში, უნდა გვეცვას... არასოდეს არ უნდა გავიხადოთ, გარდა სარეცელში წოლის დროისა.

**კრებული...** სულ უნდა გვეცვას ანაფორა. (ერთხმად გადასწყვეტენ).

**თამჯდომარე...** მესამე კითხვა: **მარხვის აღდგენა...**

**მამა ანთიმოზ მარხვისჭამიაშვილი...** მართლმორწმუნენო! თქვენ კარგად უწყით, თუ რაოდენი ზიანი მოუტანა სულს ხორცის განებიერებამ... ვნებათა ღელვანი და ავხორცობანი ერისა უმწვერვალესობენ. აღდგეს ყველა მარხვები: „ღიღი მარხვები“ და „პატარებიც“, რათა ვგვემოთ ხორცი და მორწმუნეთა შორის სანოვანე გვეშოვნებოდეს ეამსა გახსნილებისასა. თამჯდომარევე, გთხოვთ კენჭი უყარათ (თამჯდომარეს აკც კი აცლის კრებული, ისე ადასტურებს წინადადებას საერთო ღრიალით და ხელის აწევით)...

**თამჯდომარე.** შემდეგი კითხვა: **მღვდელ-მთავრების ცოლიანობა.**

**მამა კირილე ავხორციე...** ძმანო, კეთილნო! ნუ გამიწყრებიან, ყოვლად სამღვდელონი თუ ვიტყვი, რომ არ გესმენია ჩვენ მართლ-მადიდებელ მღვდელ-მთავრებისათვის ცოლის ყოლა, რას არგებს მით ყოვლად უწმინდურობას, თუ არ წარწყმედს.. ცოლი ხვედრი არს მხოლოდ ჩვენს მსგავს ცოლვილთა... ვით მწყსოს მწყემსმა ცხოვარნი, თუ არ გვემა და არ განწმინდა ხორცი.. მღვდელ-მთავრები დარჩეს ყოვლად უბიწონი-უცოლონი! (თამჯდომარე კენქს უყრის წინადადებას).

**თამჯდომარე.** ვის გსურთ, მღვდელ-მთავრები დარჩენ უცოლონი!

**კრებული!** (ერთხმით)—ყველას!..

**თამჯდომარე.** შემდეგი კითხვა: საკურთხავა-ქელეხი... ამ კითხვას იცავენ მამანი: არსენ ცხვარიყლაპიაშვილი, ლუარსაბ ალაპაძე, და თედოორე საკურთხეშვილი. შემოაქეთ წინადადება:... აღდგეს ქელეხ-საკურთხები.. კრებული ადასტურებს.

**თამჯდომარე...** კითხვა დაისმის: **საღმრთო სჯულის სწავლება.**

**ტიმოთე სეფისკვერაშვილი.** მართლ-მორწმუნენო! ვინ არ იცის, თუ რა ბჭე იყო სარწმუნოებისა და ზნეობისა საღვთო სჯულის სწავლება, რა პედაგოგიური შერყენაა სკოლიდან მისი გაქვევება... ერთი სიტყვით, ბევრი რომ არ ვილაპარაკოთ, **მოვითხოვთ მთავრობისაგან საღვთო სჯულის სკოლებში ასწავლიდენ..**

**კრებული.** (ერთხმად). მოვითხოვთ.

**თამჯდომარე...** უქმეების აღდგენა..

**უსაქმურ მამინაიშვილი.** მღვდელნო და საერო პირნო! რა აღმაშფოთებელია შოვინისტ მი-

ნისტრებისა გადაწყვეტილებით ისეთ უქმების გა-  
უქმება, როგორც არის გიორგობა, ალავერდობა,  
თამარობა, წმინდა ნინობა, მცხეთობა ესენი ჩვენი  
ქართველი ერის შემაკავშირებელი-შემადლულბელია..  
მოვითხოვთ ეს უქმები და საზოგადოდ ყველა  
უქმების აღდგენა... (მამა ნიკიფორე უქმიაშვილი  
იმერეთის პირველი ორატორის აზრს უქმების შე-  
სახებ და შემდეგ კრებული ერთხმად სწყვეტს კი-  
თხვას).

**თავმჯდომარე.** მაწის ძვრა—ნიაღვარ—სეტ-  
ყვა ქარის შესახებ...

**მამა იასონ კაპანაძე...** საშინელება გველის  
მართლ-მორწმუნენო, ხალხი გაირყენა... მართლ  
მსაჯულ უფალმა მრავალ გზისი მოუელღინა მთ  
მკაცრი სასჯელი, მაგრამ მაინც ვერ დადგნენ გზა-  
სა ზედა კეთილთასა: მიწისძვრა და ნაცრად ქცევა  
გორისა, სეტყვა სიღნაღში, ნიაღვარი და ქარი რა-  
თა მოისრნეს ურწმუნონი, მრავალ გზის ევლინე-  
ბიან ხალხს, მაგრამ ვერ განწმენდილან ოდნავათ...  
წინადადება ჩემი: განუშარტოთ ხალხს, რომ ყოვე-  
ლი მსგავსი მოვლენა ღვთის წყრომა არის მთ  
ცოდვის მოსანანებლად მოვლენილი, და არა მზაკ-  
ვარ და ურწმუნო გეოლოგების მონაჩმახავი რამ...

**კრებული.** ქეშმარიტად! ამინ! **განუშარტოთ**  
**ვგრ ხალხს!**

**თავმჯდომარე.** შემდეგი კითხვა—**წმინდანები**  
**და სოფლის ფეხ შიშველა დედაკაცები.**

**მამა ნესტორ მკითხავიშვილი.** (იმერეთიდან)  
კითხულობს ჯერ ლოცვას ღვთისადმი, რომლითაც  
სოფლის ფეხშიშველა დედაკაცები თურმე დადიან  
სოფლიდან—სოფლად, მოჰყავს ფაქტები სოფლად  
წმინდანების გაჩენისა და მათი მადლით ჩვენი ჯა-

რის მტრებზე გამარჯვებისა. შემოაქვს წინადადება—  
სოფლად წმინდანებისა და მლოცველი დედაკაცე-  
ბის გამარავლებისა.

**კრებული.** (ერთხმად). ქეშმარიტად! ვამრავ-  
ლოთ წმინდანები მრჩეველები და მლოცვე-მშობსავნი  
სოფლად.

**თავმჯდომარე.** ეკლესიის გამოყოფა სახელ-  
მწიფოდან.

**მამა იაკინთე ფრთხილაძე.** ვინაიდან მაინც  
მოხდება ეკლესიის გამოყოფა სახელმწიფოდგან და-  
ვადგინოთ ეხლავი, რომ ჩვენ ვცნობთ მის გამო-  
ყოფას საჭიროდ.

**კრებული.** (ერთხმად). ქეშმარიტად. საჭიროა.  
**იგივე იაკინთე.** ხოლო ქონება საეკლესიო,  
მიწები, თუ მოძრავი დოქლათი გადმოვიდეს ისევ  
ჩვენს ხელში.

**კრებული.** (ერთხმად). ქეშმარიტად! გადმო-  
ვიდეს ჩვენს ხელში. (კათალიკოზი და მღვდელ-  
მთავრები გაკვირვებულნი არიან კრებულის ქრთ-  
სულოვნობით).

**იგივე მამა იაკინთე ფრთხილაძე...** ხოლო  
უკეთუ ჩვენში ვინმე ურჩ ექმნეს ეკლესიას,


— მოხსენდეს მას, ვისაც ჯერ არს, ხოლო და-  
ხელოვნებულმა პირებმა ამ საქმეში თავს იღვან ეს.  
(აქაიქ კრებულში უსათუოფ, უსათუოი.) კრება  
თავდება, დღეგატები მიდი მოდიან... მღვდელ-  
მთავრები პოწიწებით თავყვანს სცემენ კათოლიკოს  
და ერთ ხმად ეუბნებიან: „იდი არს ბრძნობა და  
გულთა მხილაობა თქვენი, ყოვლად უწმინდესო,  
მამა-მთავარო... ეხლა გუჯერა, რომ არ დაილე-  
პება საქართველოს ეკლესია! მიდიან ნელ-ნელა.

**ლუკ-ოლი.**

## ჩვენს ბათუმში.


(დახასრული.)

მატარებელი ჯერ რიგიანათაც არ გაჩერებულიყო ბათუმის საღვურის წინ, რომ ადგილობრივ  
გაზეთებში დაიბეჭდა საყურადღებო ცნობა ჩემი ჩაბრძანების შესახებ. ეს ღვაწლი საფსებით უნდა  
მიეწეროს „გზურტას“ საგანგებო ბათუმელ კორესპონდენტს.





მე მაშინვე ზღვას მივაშურე და არა გენერალ მდივანს, როგორც ამის შესახებ „გრუტა“ იცნობებოდა.




ზღვა ისევ ისე მშვიდი, წყნარი დამხვდა, როგორც დავტოვე ამ ორი წლისა, სამი თვისა და სამი დღის წინათ. მახსოვს, გაზეთებში იწერებოდნენ: თათრებს, გერმანელებს, ინგლისელებს, ფრანგებს, იტალიელებს, დენიკინელებს, ერთი სიტყვით ყველას, ვინც ჩემ შემდეგ ბათუმს დაეპატრონა, გააქვთ ამ ქალაქიდან ყველაფერიო. ენა არ შემიბოროცდება, თავუნასა და სანდროს დავიფიცავ, რომ ეს ცნობა მოჭორილია, ერთი წვეთი რა არის, ერთი წვეთი წყალი ზღვას არ აკლია! მართალია წაუღიათ ბაშბა, თამბაქო, შაქარი, ნავთი და სხვა ამ გვა ი რამეები, მაგრამ უმთავრესი, რაც ბათუმის ღირსებას შეადგენს: მისი მშვენიერი ზღვა, მის ირგვლივ ამწვანებული მთები, მისი ყვავილოვანი ქუჩები და მისი თვალწარმატო ბაღები დღესაც ხელუხლებელია. კერძოთ მე ყველაზე უფრო მესიამოვნა, როცა დავრწაუნდი რომ ზღვას არაფერი აკლდა ქართული ანდაზა „ზღვა კოვზით დაიღვევა“ ძვალ-რბილში მაქვს გამჯდარი და მეშინოდა, ვინაიდან უცხოელები არა თუ კოვზით, პირდაპირ გემებით ეზიდებოდნენ.

დარწმუნებული ვარ, არცერთი ჩემი ნაცნობი არ გამიმტყუნებს როცა ვაიგებს, რომ მეორე ადგილი რომელსაც მე მივაშურე ყავახანა იყო.



უნდა გამოვტყდე, მოლოდინი არ გამიმართლა! ამ მხრივ ბათუმს დიდი დაქვეითება ეტყობა. არც ყავა, არც შაქარი, ახლანდელ ბათუმელ ყავას არ შერჩენია, მას მხოლოდ ფასი აქვს საკმაოზე მეტი. ეს ფაქტი პირდაპირ აღმაშფოთებელი და დამაფიქრებელია ჩვენთვის.


მე მყისვე გავემართე ბათუმისა და მისი ოლქის განსაკუთრებულ კომისარისაკენ, რომელიც განსაკუთრებულის ალტაცებით შემეგება.



უპირველეს ყოვლისა მე ავუხსენი პატრუცემულ ბენიანენ ჩხიკვი შვილს ყავის ხელოვნების დაქვეითება მისდამი რწმუნებულ ქალაქში და ვსახოვე აქ დარგოსადმი განსაკუთრებული ყურადღების მიქცევა. კომისარმა აღმითქვა, რომ ის თითონ გასინჯავს. ყველაფერა ადგილობრივ და მთხოვა დახმარება, უკეთეს ეს საჭირო იქნებოდა.

— საზოგადოთ, ბ—ნო ეშპაკო, გთხოვთ თქვენა სიტყვა და გავლენა დავახმაროთ ბათუმის მოწესრიგების საქმეში; ჩვეულებრივის სილიჯით მიიზრა ბ—ნმა საგანგებო კომისარმა და ჩემი გული სიხარულით აღავსო.

ამ წინადადებით აღფრთოვანებულმა სანქარათ გავათავე დარბაზობა და გავეშურე ჯამესაკენ, სადაც ფიცხლავ შევეყარე აქარელთა შიტინი დ. სხვათა შორის ვუთხარა მათ:



— ჩვენო ძმებო აქარღებო! თქვენ, როგორც ჩვენ, ქართველები ხართ. ამას მოწმობას ის ადგილი, სადაც თქვენ ცხოვრობთ, ის გვარი რომელსაც თქვენ ატარებთ და ის ენა რომლითაც თქვენ ლაპარაკობთ, დაბადებიდან სიკვდილამდე, ძმებო და ამხანაგებო, განსხვავება ჩვენ შორის სულ ცოტა არის, სახელდობრ: ჩვენ შეგვიძლია ვსვათ ლენო, ხოლო თქვენ შეგვიძლია რამოდენიმე ცოლი იყოლიოთ, მორჩა და გათავა! მაგრამ, ჩემო ძმებო აქარღებო, აქაც ამ განსხვავებაშიც არ არის დაცული სრული სიმტკიცე და შეურიგლებლობა ჩვენ შორის. კომპრომისები რამდენიც გნებავთ: გარწმუნებთ, ისევე ხშირია მრავალ ცოლიანი ჩვენ შორის, როგორაც ლენის მსმელი თქვენ შორის. თუ მე არ დამიჯერებთ, ჩემო ძმებო, ჰკითხეთ ჩვენს საგანგებო კომისარს, რომელმაც მთავრობის სრული ნდობით არის აღჭურვილი და საიმედო პირია.


დიდი და შეურიგებელი განსხვავება ჩვენ შორის, ძმებო და ამხანაგებო აქარღებო, იწყება მხოლოდ სიკვდილის შემდეგ. თქვენ ფიქრობთ აქარიდან სამოთხეში წასვლას წინასწარმეტყველი მაკმადის მიერ ნაჩვენები გზით, ხოლო ჩვენ იესო ნაზარეტელის მიერ ნაჩვენებით. მაგრამ, საყვარელო ძმებო, თქვენც კარგა ხანია მიდიხართ ამ გზით და ჩვენც. ჯერ ჯერობით იქიდან ე. ი. არც თქვენი და არც ჩვენი სამოთხიდან არაფერ არ დაბრუნებულა, რომ გვითხრას რომელი გზა უფრო მოკლე და სასურველია.

ამგვართ, ცხოვრების, ანუ სიცოცხლის გზა ჩვენ, ჩემო საყვარელო ძმებო, ერთნაირი გვაქვს, ხოლო სიკვდილის შემდეგ კი სხვა და სხვა გზით გვიხდება სიარული. მაშ რაღა ჯანაბაზე ვჩხუბობთ და ვდავიდარაბობთ? ვიცხოვროთ ამ ჩვენს კუთხეულ ქვეყანაში ძმურათ, ერთმანეთს დავეხმაროთ, ვასწავლოთ, ვეპირისუფლოთ და როცა მოგვედგით ეროხელ კოდე ვადავკოცნოთ ერთმანეთი და გავუდგეთ თავ-თავის გზას სამოთხეებისაკენ. იმ ქვეყნიური საშობე გქონდეს ცალცალკე, საკუთარი, ხოლო ამ ქვეყნიური საშობე, ე. ი. ეს ჩვენი პატარა საქართველო საერთოდ ძოვოთოთ, მოეკახშოთ ავყავავოთ, გავალამაზოთ და სიკვდილამდე ვიცხოვროთ შიგ ბედნიერათ, თავისუფლათ და ძმური სიყვარულით.

ასე დავითავე მე ჩემი პირველი და უკანასკნელი საჯარო სიტყვა. ვატყობდი, რომ აქარღები განსაკუთრებულის აულისუერით მისმენდენ. ერთმა მათგანმა ვერ მოითმინა და წარმოხატკვა.

— ჩვენ კი გავიგეთ, ძიავ, შენ ოღონდ მოლოები დააჯერეო.

მე ავბტი, დავბტი და ჩივედი მოლოებთან.



— ჩემო ძმებო! — მივმართე მე მათ. — ჩემს თავუნასა და სანდროს გეფიცებით, ჩვენი „ქრისტიანი“ მღვდლები მე თქვენზე მეტათ არ მიყვარს. ვცადეთ, ძმებო, მოახერხეთ როგორმე ერთმანეთში მორიგება და ჩვენ, ერისკაცებს ნუ შეგვიშლით ხელს ძმურ ცხოვრებაში. თქვენ ე. ი. მღვდლებსა და მოლოებს ხომ სული გინდათ ჩვენი. დავაცალეთ სიკვდილი, სიცოცხლეშივე ნუ ამოგვაძრობთ კისრიდან.

მოლოები თანაგრძნობით შეხედენ ჩემს წინადადებას და მეც კმაყოფილი გამოვბრუნდი უკან, რათა თვალისთვის




— წყალი დამელევინებია. კარგა ხანი ვისვირნე ქალოქის ბაღში და მზიარული გავემართე ვალიკო ჯულელის საძებრათ. დიდის დავიდარაბის შემდეგ მივაგენ ზღვის პირზე წამოწოლილს, სწორედ იმ სტრატეგიულ ალაგას, საიდანაც თანასწორ მანძილზე მოსჩანდა როგორც ქალების, აგრეთვე კაცების საბანაო და ინგლისის ჯავშნოსანი.

— იცი რას გიტყვი, ეშმაკო, მცირე მისაღმების შემდეგ მითხრა ვალიკომ. — მოდი ერთი ჩუმათ ავცურდეთ იმ ჯავშნოსანზე და დავათვალიეროთ. ვინ იცის იქნებ...

— დიდის სიამოვნებით. შენთან ერთად ბანკეტზედაც წამოვალ, არა თუ ჯავშნოსანზე. თვებან-წირულეებით მიუგე მე.

— აბა ვაფიხლოთ...

ჩვენ მყისვე ტანთ განვიძარცვეთ სამოსელი და გადავეშვით ზღვის ტალღებში.




ვალკომ სწრაფათ მოუსვა მხარული და გაემართა ინგლისური გემ „ჩინ-ჩაოტი“-საკენ. მეც რასაკვირველია მის მავალითს მივბაძე, მაგრამ შეგვიტყვეს და ორივენი ნაპირისაკენ გამოვეშურეთ.

— ასე ფარულად შეუძლებელი ყოფილა. მოდი ოფიციალურათ ავიდეთ. — წარმოსთქვა, ვალიკომ აღლევებული კილოთი და ჩემი თავგანწირული თანხმობა კვალად მიიღო.

— როგორც გენებოს! ჩემთვის სულ ერთია! მივეუგე მე მას.

არ გასულა არც ორიოდ საათი, რომ ჩვენ სადმირალო ნავით ინგლისის ჯაგშნოსანს მივაღდეკით და მცოდნე პირის ხელმძღვანელობით გემის შესწავლას შევეუდეკით.



ჩვენს აღტაცებას და გაოცებას საზღვარი არა ჰქონდა მაგრამ ინგლისელს ვანგებ არ ვაგრძნობინეთ ჩვენი სულიერი განწყობილება, რა არის არ იფიქროს ვითომ ჩვენს რესპუბლიკას არა ჰქონდეს ასეთი საომარი საშუალებანი. საზოგადოთ ქართველი კაცი გულ ახდილია, ყველაფერს წამოიყვირებდა ამით რასაკვირველია იიდ სამსახურს არ უწევს თავის სამშობლოს. ჩვენ წინასწარ არ მოგვილაპარაკანია მაგრამ თითქო შეეთანხმდითო, ერთი მეორეზე უფრო ეშმაკურსა და მოხერხებულ კითხვებს ვაძლევდით ინგლისელ ხელმძღვანელს.

— ხე—ტყე ინგლისში მცირე უნდა იყოს, თორემ ხისა რთ ავეგოთ გაცილებით ამაზე მსუბუქი იქნებოდა!

შენიშნა ერთმა ჩვენთაგანმა და თან ნელა ჩაიციანა, როცა ასეთივე ფარული ღიმილი შენიშნა თვით ინგლისელის სახეს.

თუ ეგ დიდ საიდუმლოებას არ შეადგენს, კეთილ ინებეთ და გვითხარით რამდენი დიუმი იქნება ამ ზარბაზნის პირიდან ანძის უკანასკნელ წერტილამდე?

მიაყოლა მეორე ჩვენთაგანმა და ინგლისელი პირდაპირ საგონებელში ჩაავდო.


— სთხოვეთ პატივცემულ ინგლისელს გავაგებინოს რამდენ გრადუსამდე თბება გემის ჯაგშანი დღის განმავლობაში? დინჯათ ჩაეყრიე მეც და პატარა ხნის შემდეგ იძულებული გახდა ინგლისელი ეთქვა, რომ ასეთი დაკვირვებანი მათ არ მოუხედნიათ.

აქ არ ჩამოვთვლი ჩვენ მიერ მიცემულ ყველა კითხვებს, ვიტყვი მხოლოდ, რომ არა ერთმა და ორმა მათგანმა ჩაავდო საგონებელში ჩვენი ხელმძღვანელი ინგლისელი. ჯაგშნოსანიდან ჩვენ პირდაპირ ბანკეტზე \*) დავბრუნდით.

დიდებულ სანახაობას წარმოადგენდა ბათუმის საკრებულოს დარბაზი! ჩემს გარდა საპატიო სტუმართა შორის იყვნენ ევ. გეგმპკორო, ბ. ჩხიკვიშვილი დაე. ღამაშიძე, მისრან ხოჭოლაია, აღმ. კამიშურა, გენ. კვინიტაძე, გენ. მდივანი და სხვანი მრავალნი. სიაშოვნებით აღენიშნავ, რომ ეს ბანკეტი არ ჰგავდა ტრადიციულ ჩვენს ბანკეტებს. ლაპარაკობდენ მოკლეთ და სხარტულათ ორ საათ ნახევარ-

\*) ბანკეტი მოწყობილ იქნა ბათუმში ქართული ჯარის შემოსვლის გამო.

ზე მეტი თითქმის არც ერთ ორატორს არ ულაპარაკნია. ამ მხრივ მცირე დისონანსი ინგლისელ ორატორებს შეჰქონდათ.



განსაკუთრებულ ყურადღებას იპყრობდა სუფრის ის ადგილი, სადაც მე და ვალიკო ჯუღელი ვისხედით. გენ. კვინიტაძე, მნბ. გომეშკოვი და ლაშბაშიძე და სხვანი მრავალნი შურის თვლით იტკირებოდნენ ჩვენკენ.

ბ ანკეტი თ. თქმის დღემდე ვაგრძელებდი.

ჩემს მხიარულებას სწაწლავ და მხოლოდ ის მწარე მოგონება, რომ ჩემი თფილისელი მეგობრები



თავუნა და სანდრაო კირის ოფლში იწურებოდნენ და თვალყურს იდევნებდნენ ჩემს ყოველივე ნაბიჯს ქვეყნის კეთილდღეობისთვის გადადგმულს.

მუშაკი.

# განცხადება.

## პაროდები ჩაჩიბაიას.

I

ისევ შენ და ისევ შენ,  
**ჩაჩიბაიას-„მადერა“**,

ყველა შენ გენაცვალოს!...  
ვერ გილაღატებ ვერა!..

ისევ შენ და ისევ შენ,  
**ჩაჩიბაიას „მუსკატო“**

სინაზით ჯირ არვინ გჯობს  
სალოცავო და ხა ო!

ისევ ის და ისევ ის,  
**ჩაჩიბაიას „კაგორი“**

ქიქის ბსკერზე ბრწყინვალეებს,  
ვით მაისის კოკორი!..

მიყვარდა მეყვარება,  
**„გურჯანული არაყი“**

დამიჯერეთ ვერვინ სჯობს  
ეს არ გახლავთ არაყი:

მიყვარს ჩაჩიბაიას  
ნაზი „სემმილიონი“

ისე გართობს გიტაცებს,  
როგორც ცის ალიონი

მიყვარდა მეყვარება  
**ჩაჩიბაიას სვირული,**

ისე შევლის დაკოდისს,  
ვით ავამდყოფს პილული

რა ლამაზად უხდება  
რაქველს „ჟიფიანური“

ხმა: ბექს ისევე შევნის  
როგორც თარს-ქიანური:

რა მშვენივრად აწესებს  
**ჩაჩიბაიას** ლეინოს  
აბა გაბედოს ვინმემ  
დაჰგმოს ან დაიწუნოს.

II

რად არ მართობ  
ცოდო არ ვარ?  
რად არ მათრობ,  
არ გიყვარხარ?  
მითხარ, მითხარ ეგრე მალე  
ჩემი ვნება რით შეკვალე?  
..... გენაცვალე

ესტერი ღლე ღამ  
**„მუსკატისთვის“**  
თვით სატრფოსაც  
დავთმობ მისთვის  
ვერც თვით „კაგორს“ დავიფიწყებ!  
მე სიცოცხლეს მისით ვიწყებ!  
მაშ მაკმარე სივალაღე  
და „მადერა“ მასვი მალე,  
... გენაცვალე

„სვირული“ ეში და სინაზე,  
მოსტაცე და შემთავაზე,  
**„სემმილიონ“** მოკტირალე  
ტკბილ ნექტარად მომითვალე  
.... გენაცვალე

ჩემად გთვლით და დაგხარით  
ვით პეპელა ვარდს და იას  
მე არ გავცვლი სხვა ფირმების  
ლეინოზე ჩაჩიბაიას.

ნაპოლეონ.



პ. წ. ბათუმიდან ა. ზლიკვადის უნახავათ გამოგზავრება ძლიერ შეძნელებოდა და მკეკ გავეპარ-  
თე მისკენ.



შაკრამ შეკარემქდინჯათ, შემაჩერა და მითხრა:

— ბატონ ალექსანდრეს სძინავს და ნახვა...

მე მივისვე გამოვბრუნდი, თუმცა ძლიერ მაკვირვებს ბლიკვადის ამდენი ხნის ძილი.

— კი.

შიიღება სელის ძოწერა

## „ეზმაკის მათრახი“

ქუნალი თვეში ღირს 60 მან. გამოწერა შეიძლება მხოლოდ სამი თვით, ფხსის  
გადახდა წინდაწინ არის საჭირო.

ქუნალი დასაბეჭდო შიიღება აგრეთვე **განცხადებები** — შეღავათიან ფხსებში.

რედაქცია მოთავსებულია რუსთაველის პროსპექტზე, № 24 (ყოფილი ვოლოცინის) და ღია  
ღილის 8—2 საათამდე.